

Hebbe Hebbe a dal un biaha mas

ORANJESTAD - Diahuebs anochi tabata e anochi di Hebbe Hebbe, unda cu e organisadonan a scoge pa pone bandanan toca pa deleita e publico.

E aña aki Hebbe Hebbe a wordo dedica na Robert Jeandor kende a dedica su bida na musica y ta un gran figura pa lo cual ta trata existencia di carnaval. A pesar cu e publico presente a pasa un rato agradabel, hopi ta e comentario cu nan ta gusta Hebbe Hebbe mas den su forma original. Tabata tin movecion y tur hende por a scoge lo cual nan kier. Baila, combersa of come.

E modelonan di Balashi un biaha mas tabata presente pa reparti premionan na e personanan cu tabata tin algo bisti cu tin di haci cu Balashi. E comentario a wordo haci si no ta bay cambia e nomber di Hebbe Hebbe pa Bala Bala of Lashi Lashi. Ken sa tur cos ta pasa den tempo di Carnaval. □

